

tur gaudium, quod mali habebunt de morte istorum ; idest *inhabitantes terram*, idest mali terrena amantes gaudebunt super illos , quia occisi sunt, et jocundabuntur, et munera mittent invicem p̄ae gaudio putantes, se esse liberos et securos , illis occisis , qui eorum vitae et malitiae contradicebant. Sap. 2. v. 1. et 6. et 8. dixerunt cogitantes apud se non recte venite ergo, et fruamur bonis quae sunt, coronemus nos rosis antequam marcescant. Et hoc facient gaudentes , ut dictum est de morte eorum. Unde sequitur (Apoc. 11. v. 10.) quoniam hi duo prophetae scilicet Henoc et Elias cruciaverunt eos, qui habitant super terram: idest malos, quorum damnationes praedixerunt, et ita cruciando annunciaverunt; vel cruciaverunt eos contradicendo iniquitati eorum. Sap. 2. v. 12. et 16. Circumveniamus ergo justum, quoniam inutilis est nobis, et contrarius est operibus nostris , et imperoperat nobis peccata legis et diffamat in nos peccata disciplinae ; v. 16. tamquam rugaces aestimati sumus ab illo v. 19. contumelia et tormento interrogemus illum etc. postea sequitur mors turpissima. (1) Tunc

(1) Idest v. 20. *Morte turpissima condemnemus eum.*

enim mali cruciantur cum boni exaltantur. Vel cum eis sua praedicatione contradicunt. Sed cum deberet dicere *inhabitantes Jerusalem*, quare dicit *terram*? Respondeo; per hoc spiritualiter intelligitur, quod omnes sancti, qui terram universam inhabitant gaudebunt spiritu , et jucundabuntur corpore , et mittent invicem scilicet munera congratulationum quum h̄i duo prophetae cruciaverunt etc.(1) idest audacter restiterunt malitiae eorum Prov. 28. v. 1. *justus quasi leo confidens absque terrore erit.* Sequitur de eorum resurrectione inf. eod. Ap. v. 11. et post tres dies et dimidium spiritus vitae , idest anima, quae dat vitam a Deo scilicet missa intrabit in eos Ezech. 37. v. 6. (2) *Ecce ego mittam in vos spiritum, et vivetis.* Cum dicitur a Deo notatur quod resurgent corpora, et quod non naturaliter, sed miraculose.(3)

(1) Scilicet impios

(2) Vulgat. *et dabo vobis* etc.

(3) Quod resurrectio non sit naturalis, sed miraculosa probat S. Doctor in 3. p. supplemento q. 75. ar. 3. Nullum enim principium actuum resurrectionis est in natura, neque respectu conjunctionis animae ad corpus, nec respectu dispositionis, quae non potest a natura induci. Unde resurrectio simpliciter loquendo est miraculosa.

Sed quaeritur de istis quomodo resurgent? aut sicut Lazarus, aut sicut Christus? Si primo modo, idest sicut Lazarus, fiet eis quodammodo injuria, quia iterum morientur; si secundo modo idest sicut Christus, igitur in corporibus glorificatis, et sic resurgent ante alios, quod est contra Apostolum Heb. 11. v. 40. *Deo nobis melius (aliquid) providente ut non sine nobis consumarentur.* Respondeo; non resurgent morituri iterum.⁽¹⁾ Quod quaeritur: utrum in corporibus glorificatis? dici potest quod sic; sed hoc erit eis speciale privilegium specialiter datum propter speciale testimonium, propter quod occiduntur. Sed si in corporibus glorificatis, quomodo ergo videbuntur ab hominibus? Respondeo, quod corpus glorificatum cum vult, et cui vult offert se; et cum vult potest fieri palpabile, et sic etiam potest se visible exhibere, et hoc habet corpus

(1) Nam, ut probat in sup. 3: p. q. 77. a. 1. in corp. Secundum positionem fiduci resurreccio erit in vitam immortalem conformiter Christo, qui resurgens ex mortuis iam non moritur ut dicitur Rom. 6. et q. 82. a. 1. demonstrat tunc ea impossibilitas resurgentium corpora, juxta illud 1. Cor. 15. seminatur in corruptione resurget in incorruptione.

glorificatum a natura glorificationis. (1) Dicunt tamen aliqui, quod cum se offert corpus glorificatum palpabile vel visible, hoc est per miraculum. Vel potest dici, quod anima intrabit corpora eorum non ut organa, sed in materiam. Sed tamen magis videtur, quod corporabitur, ut ad organa, per hoc quod dicitur, quod spiritus vitae intrabit in eos. (2)

(1) Iisdem sere verbis hanc veritatem probat in sup. 3. p. q. 83. ar. 6. in corp. *Corpus ergo gloriosum habet a natura sua qualitates, quae sunt natae immutare tactum; sed tamen quia corpus est omnino subjectum spiritui, in potestate ejus est, ut secundum eas immutet tactum vel non immutet. Unde secundum naturam suam palpabile est corpus gloriosum; Sed ex virtute supernaturali ei competit ut cum vult palpetur a corpore non glorioso.* Et ita complectitur utramque opinionem ex auctoritate Gregorii, qui ait: *Dominus palpandam carnem praebuit, quam clavis janus introduxit, ut perfecte ostenderet post resurrectionem corpus suum esse et ejusdem naturae et alterius gloriae.* Ibid.

(2) Alioquin non esset vera resurreccio, quae exigit proprie conjunctionem animae cum corpore. Quinimmo ex hac indissolubili copulatione probat incorruptionem et impassibilitatem resurgentium In supp. 3: p. q. 92. a. 1. *Corpus enim humanum et quidquid in eo est erit perfecte subiectum animae rationali, sicut anima perfecte erit Deo subiecta.* Et ita corpora illa erunt impossibilia.

Unde sequitur Apoc. 11. v. 11. et steterunt super pedes suos vivi postquam surrexerunt. Sed quia superias dictum est, quod corpora eorum non foetebunt, sed erunt multum solida propter esum ligni vitae, habetur ergo, quod difficilis morientur, quam alii homines; et hoc est verum, quia gravissima erit eis mors, quia maxime vigebit in eis sensus, et sic maxime sentient. Quod etiam contingit in membris corporis humani, in quibus quanto magis viget sensus, tanto est major dolor si percutiantur, vel vulnerentur. (1) Timor magnus etiam erit ex hoc, ex tam subita eorum resurrectione: (Apoc. 11. v. 11.) timor magnus cecidit, sicut pondus opprimens, vel pro Dei reverentia, vel pro inferni poena: super eos qui viderunt eos scilicet jami gloriose resurrexisse. Job. 31. v. 23. semper enim quasi tumentes fluctus super me timui Deum, et pon-

(1) Siquidem dolor est passio animae in appetitu sensitivo, vel intellectivo 12. q. 35. 1. Ergo juxta proportionem potentiae sive sensitivae, sive intellectivae erit doloris quantitas; quapropter dolor interior est simpliciter major exteriori 12. q. 37. 1. ad 3. Unde quia in Christo perfectissima erat utraque potentia, ideo ejus dolor interior, et exterior fuit maximus 3. p. q. 46. 6.

dus ejus ferre non potui. Sequitur de mirabili assumptione eorum. (Apoc. 11. v. 12.) et audierunt Henoc, et Elias vocem magnam de coelo idest magnae potestatis ascendite huc, scilicet ad consortium justorum de medio hominum improborum: ascendite, qui prius descendistis humiliati et saccis amicti Luc. 4. v. 11. qui se exaltat humiliabitur, et qui se humiliat exaltabitur; unde sequitur (Apoc. 11. v. 12.) et ascenderunt in coelum in nube sicut Christus, quia maxime ipsum imitati sunt in sustinenda pro eo tribulatione; sic et fient ei conformes in ascensione ejus; sed Christus propria virtute, illi vero in virtute Christi. Vel in nube, idest in corporibus subtiliatis (1) et levibus super ventum factis. Vel in nube, idest Christo duce Michae. 2. v. 13. Ascendit pandens iter ante eos; nec ascenderunt occulte sed pubblice, ideo sequitur et viderunt illos inimici eorum, scilicet cum gloria ascendentes, et cum honore deductos, ante sedem Dei, et Agni, idest Christi; unde poterunt dicere illud Sapien. 5.

(1) Subtilitas erit qualitas gloriis corporis, de qua agit S. Doctor in sup. 3. p. q. 83. per totam quæstionem.

v. 4. (1) nos insensati vitam illorum aestimabamus insaniam et finem illorum sine honore ; ecce quomodo computati sunt inter filios Dei et inter sanctos sors illorum est (2) Sequitur de plaga futura mundo propter eorum ascensionem ibidem v. 13. et in illa hora scilicet mortis, vel glorificationis eorum factus

(1) De poena damnatorum agit fuse Sanctus Thomas supl. 3. p. q. 97. per totam quaestionem.

(2) Quae habet S. Thomas de praedicatione Eliae tum ibi, cum in aliis operibus, probantur etiam Sanctis Patribus, et Doctoribus uti sunt S. Justinus Dialog. contr. Tryphou. S. Irenaeus Biblioth. Graec. L. 5. p. 66. Adv. haer. I. 5. c. 2. Tertullianus de anima c. 50. Origenes t. III. S. Augustinus de Civ. Dei L. 20. c. 29. et 30. Quaest. Evang. I. .t c. 5. S. Prosper. in op. *Dimidium temporis* S. Gregorius I. 33. moral. c. 9. Insuper plurimi alii, ut Bossuet, Nat. Alexander Melchior Cauus, Calmet etc. Ex quibus patet quam temerarius fuerit Berger in suo dict. V. *Elia* ubi audacter pronunciat, imprudenter opinatum iri de futura missione Eliae, ac eos visionarios, ac fanaticos agere, qui id tenent. Ad confundendam ejusmodi audaciam dimicarunt nobiles Theologi in additionibus ad ipsum Berger factis in editione Venetiis 1728. ad juam ne actam agamus lectorem remittimus, ubi praeterea digna est quae legatur narratio de Elia Jansenistarum t. 2. V. *Elia*.

est terraemotus magnus (1) ad litteram. Vel terraemotus, idest magna commotio in hominibus terrena amantibus, qui in morte eorum audacius commovebuntur ad destructionem fidelium, ad suam majorem damnationem et punitionem in inferno. (2) *Et decima pars civitatis cecidit* idest multi justi ad litteram ceciderunt gladio Antichristi. Unde sequitur *et occisa sunt in terraemotu nomina hominum*, idest homines digni honore, usque ad *septem millia* hominum, qui non curvaverunt genua sua ante Baal idest Antichristum. Unde ad litteram : occidentur ab Antichristo, qui eum nollent adorare. *Et reliqui in timorem sunt missi* hoc scilicet videntes Psal. 47. v. 6. *ipsi videntes sic admirati sunt, conturbati sunt, commoti sunt, tremor apprehendit eos.*

(1) Glossa interlinearis idest in ipso tempore glorificationis eorum, vel in illa hora cum Enoch, et Elias occisi sunt.

(2) S. Augustinus id ipsum tenet dicens : Vel in illo terraemotu persecutio intelligitur, quam diabolus per malos homines exercere consuevit. In Glossa ord. ibid.

Circa statum Antichristi notanda sunt sex primo de ortu ejus 2. de progressu, ejus 3. de potestate ejus 4. de cultu et simulazione ejus, 5. de conflictu et persecutione ejus, 6. de morte et poena ejus. Circa primum notantur quatuor 1. Unde nascetur. 2. quomodo nascetur; 3. quomodo nutrietur in utero matris 4. ubi nascetur. Circa primum sciendum est, quod nascetur de iudeis de tribu Dan genes. ult. v. 17. fiat *Dan coluber* (1) *in via cerastes in semita, mordens unguis equi, ut cadat ascensor ejus retro.* Apoc. 13. v. 1. *Vidi de mari bestiam ascendentem etc.* (2) idest Antichristum nihil omnino secundum ra-

(1) Per haec verba plurimi putant praedici Antichristum de tribu Dan futurum. Unde Hiere. 8. a *Dan auditus fremitus est equorum ejus. Qui non solum Coluber, sed Cerastes vocatur. Cerasta enim gracie cornua dicuntur, et hic serpescornutus etiam perhibetur, per quem digne adventus Antichristi asseritur, qui contra sanctos morsa pestiferæ praedicationis, et cornu potestatis armabitur.* Ita glossa ordinaria in hunc locum. *Isidor.* etc.

(2) Optime etiam hunc textum exponit S. Thomas; Ita enim explicat S. Ambrosius *Hæc bestia Antichristum significat. Rupertus: ille draco, ille diabolus nunc alio quidem, sed vicino nomine bestia dicitur. Vide glossam jam citatam in hunc locum.*

tionem gerentem, sed omnia per crudelitatem; et ideo vocatur bestia. Gen. 37. v. 33. *fera pessima devoravit (1) eum.* (2) Ascendentem de mari idest de iudeis nascentem: Iudei autem dicuntur mare, quia etsi prius terra fuerunt culta Jerem. 2. v. 21. *Vinea mea electa ego te plantavi,* (3) et alibi vinea de sabbath domus Israel est culta, scilicet per legem, et prophetas, et amoena, tamen quia peccatum maximum fecerunt Christum oceidentes, propterea instabiles et vagi facti sunt super terram incidentes illam maledictionem Cain. Gen. cap. 4. v. 12. *vagus et profugus eris super terram, et sic sunt mare, quod fluidum est, et amarum.* Unde tren. 1. v. 8. *peccatum peccavit Jerusalem* scilicet crucifigendo Christum; propterea instabilis facta est. De mari ergo ascendit, idest de iudeis de tribu Dan, quae fuit in Israel vilissima tribus. Et proper hoc dicit *ascendentem*, quia de vili tribu veniet ad magnam potestatem *Dan Coluber*

(1) Fortassis hic textus certe proprius non videtur talis materiae, sed tantum analogice sumitur.

(2) Vulg. *comedit*

(3) Vulg. *Ego autem plantavi te vineam electam.*

in via etc. Et hoc dicitur de Antichristo, quia ipse insidiabitur et nocebit obviantibus per praecepta et consilia. Cum dicit *ascendentem* ostendit, quod multum tolletur in altum per superbiam et potentiam; (1) Sed in fine dei- cietur, ut lapsu graviori ruat prov. 29. v. 23. *Superbum* idest Antichristum sequitur *humilitas* idest *dejectio*. In hoc, quod dicitur *ascen- det de mari*, signatur, quod cito erit casu- rus, quasi de instabili, et fluxibili fundamento, super quod aedificium diu stare non potest unde Apoc. 12. v. 18. dicitur *stetit super arenam (maris)* (2) Matth. 7. v. 26. 27. *similis est viro stulto qui aedificavit domum suam super arenam*. Et descendit pluvia, et ve- nerunt flumina, et flaverunt venti, et ir- ruerunt in domum illam, et cecidit, et fu-

(1) *Vel per alios malos se extollentem*, ut habet glos- sa interlinearis.

(2) Richar. *Quid convenientius intelligimus per arenam maris, quam gentilitatem ab omnibus divinae cogitationis, et boni operis fructibus infoecundam, et diversorum idolorum cultibus, et vitiorum amaritudinibus agitatum?* quae bene arena dicitur, quia sterilis in hono, maris quia instabilis et amara in malo. Ambros. *Per arenam maris multitudines reproborum, qui eo tempore futuri sunt desi- gnantur.* V. glossa in huic loc.

it ruina illius magna. Sequitur secun- dum scilicet quomodo nascetur. Nascetur enim de fornicatione, non de virgine, sicut qui- dam finixerunt. Apoc. 11. v. 7. *Bestia quae ascendit de abyso* idest de fornicatione et peccato faciet adversus eos bellum. Vel se- secundum aliam expositionem: *De abyso*, id- est de profunda et obscura tenebrositate mali- tiae, qua erit plenus totus. Apoc. 17. v. 8. *Be- stia quam vidisti ascensura est de abyso et in interitum ibit*; (1) etsi in principio antequam sublimetur videatur bonus, et tyranni impii et hypocritae ponent eum in regno, quod signatum fuit Dan. 7. v. 7. ubi dicitur *ecce bestia quarta* (2) idest regnum romanum, ter-

(1) *Ascensura est de abyso, quia per illos qui in pecca- tis profundi sunt ascendet in elevationem*. Glossa ord.

(2) Ita exponit glossa ordinaria ex Hieron. *Mirum quod supra leaenam Ursus et Pardus in tribus regnis posue- rit, et Romanum nulli, bestiae comparavit*; forte ut formi- dulosam ficeret bestiam, vocabulum tacuit. Et quidquid in bestiis ferocius cogitamus, hoc romanos intelligamus, he- braei autem, quia quod hic tacitum est in psalmo dic- tum est: *vastavit eam aper de sylva* etc. pro quo in ha- bræc habetur. Omnes bestiae laceraverunt illam, quia in imperio Romano fuerunt omnia simul regna quae, preusserunt praeparata.

ribilis scilicet ante fidem, atque mirabilis post fidei susceptionem; dentes ferreos habebat magnos. Hoc dicitur quia omnes domuit, et sibi subjugavit. Et paulo post *et ecce cornu aliud parvulum idest Antichristus (1) ortum est de medio eorum qui tempore regni romani nascetur, et cum fiet discessio a romano imperio revelabitur 2.* Thess. 2. v. 2. *nisi venerit discessio primum idest a romano imperio, et revelatus fuerit homo peccati, idest de peccato conceptus filius perditionis idest Antichristus, qui de perditione, idest de fornicatione nascetur.* Vel *filius perditionis secundum Augustinum, quia ipse est sous peccati,*

(1) Glossa interlinearis *Antichristus ignobilis obscurus natus loco, et ordinaria ex Theodoreto. Hic Antichristum innuit, qui inter decem cornua exoritur, et significat illum ex decem tres reges eversurum.* Et ipsum parvum cornu vocat, ut a parva iudeorum tribu natum, conspicuum autem, ut qui deinde futurus sit illustris. Quin etiam os inquit loquens magna, hoc est arrogantia et superbia. Id aperte Paulus nos docet cum ait: nisi venerit discessio primum, et revelatus fuerit homo peccati filius perditionis etc. faciet bellum cum sanctis. Verum haud diutius perseverabit, sed quam celerrime destruetur. Ex quibus confirmatur, et explicatur angelica doctrina.

et perditio omnium malorum, et sui ipsius. (1)

Sequitur tertium quomodo nutrietur in utero matris, quia operatione diaboli. Nam sicut dicit Augustinus spiritus malignus descendet in uterum matris, et ex virtute diaboli confovebitur et implebitur Antichristus; non tamen erit in Antichristo diabolus, ut in daemoniis; (2) quia tunc non imputaretur ei peccatum, sed quia sic possidebit eum, quod pro sua voluntate inclinabit eum cum consensu liberi arbitrii Antichristi; vel super illud 2. Thessal. 2. v. 9. *cujus est adventus secundum operationem satanae glossa: non tam sine consensu ut frenetur, qui culpam non ha-*

(1) Id ipsum probat S. Thomas 3. p. q. 8. 8. ubi dicit quod Antichristus erit caput malorum omnium perfectione malitiae. Et in 2. Thess. 2. lect. 1. ait, quod Antichristus erit peior omnibus malis, et in eo erit plenitudo omnium peccatorum; item quod superbia ipsius erit major superbia omnium praecedentium. Ibid.

(2) Siquidem ut probat 3. p. q. 8. 8. Antichristus non erit unitus diabolo in persona. Et 2. Thess. 2. lec. 2. Antichristus dicitur filius perditionis idest diaboli non quidem per naturam sed per suae malitiae complementum, quae in eo complebitur.

buit. (1) quia si sic vexaretur a diabolo non imputaretur quodcumque ageret. Quod autem incipiatesse malus ex utero matris probatur per illud. Es. 48. v. 8. *transgressorem de ventre vocavi te: sicut de Joanne dicitur Jer. 1. v. 5. priusquam te formarem in utero novi te.* De matre Antichristi, dicitur Apoc. 17. v. 3. *vidi mulierem sedentem super bestiam cocineam plenam non minibus blasphemiae.* Sequitur quartum, de loco scilicet ubi nascetur, quia in Babilon magna mater fornicationum et abominationum terrae. Et statim sequitur de Antichristo Apoc. 17. v. 6. *vidi mulierem ebriam de sanguine sanctorum, et martyrum Jesu.* Plenam, etsi non satiatam; velut enim ebria exultavit cum sanctos occidendo se viciisse existimaverit. Per sanctos intelliguntur illi, qui ante adventum Christi fuerunt occisi 4. Reg. 21. v. 16. *sanguinem innoxium fudit Manasses multum*

(1) Glossa enim interlinearis ita habet *Quia diabolo instigante totum faciet non tamen sine sensu, (melius consensu ut ait S. Thomas:) ut phrenetici qui culpam non habent de malis.* Et glossa ordinaria ex Chrisost, et Theophil: abolebit claritate adventus sui eum, cuius adventus est secundum operationem satanæ.

nimas donec impleret Jerusalem, usque ad os. Idest martyres, qui in tempore testes intelliguntur, sancti, qui propter adventum Christi et propter ejus fidem, et testimonium fuerunt cisi. Ideo dicitur *martyrum Jesu haeb. 11. v. 37. lapidati sunt, et occisi sunt in occidente gladii etc. de utrisque dicitur Matth. 23. v. 34. Mitto ad vos prophetas et sapientes et et scribes, et ex illis occidetis et crucifigetis, et ex eis flagellabitis in synagogis vestris, ut veniat super vos omnis sanguis justus, qui effusus est super terram etc.* Unde bene dicitur ebria; sicut enim ebrius etsi non habeat necesse bibere, tamen appetitum non amittit; sic mali etsi multis bonis noceant, sitis tamen nocendi non extinguitur, sed crescit potius appetitus. (1)

Sequitur de progressu Antichristi. Circa quod notatur 1. ubi nutritur 2. a quibus 3.

(1) Glossa ord. *Sicut ebrius nihil timeat, sic terrenis inherentes in tantum excocabuntur amore terrae, ut nec Deum diligant, nec poenas timeant.* Et lit. K. *Ebriam idest depressam vindicta pro effusione sanguinis; ut praedoloribus nimis nesciat ubi sit.*